



Universitätsbibliothek Paderborn

**R. P. Pavli Laymann è Societate I: Theologiæ Moralis
Compendiv[m] absolutissimum et in quinq[ue] libros
partitum**

Laymann, Paul

Moguntiæ

9. De Impedi. publicæ honestatis

urn:nbn:de:hbz:466:1-40716

litas ad matrimonium, qualis inhabilitas etiam si-
ne culpa contrahi potest.

Si parens sine necessitate prolem propriam ba- 8
ptizet, vel in baptismō, vel confirmatione teneat,
grauiter & mortaliter peccat, quia seuerē id pro-
hibetur; Sed non est certum, quod à petitione de-
biti propterea impeditus sit. Certum tamen est, si
coniunx ex ignorantia iuris aut facti prolem con-
iungis baptizet; aut teneat, nullo petendi debiti
impedimento affici; Cum enim prohibitio illa in
solo Ecclesiastico iure fundata sit, ideo, quia eam
ignorat, sicuti excusatur à culpa, ita & ab annexa
pœna; Idem sentiendum de pœna priuationis de-
biti ob crimen incestus, qui fornicans cum coniu-
ge alterius nescit prohibitum esse sub pœna pri-
uationis debiti petendi.

Si sacerdos cum filia confessionis fornicetur, 9
etsi nullam cognationem contrahat spiritualem,
tamen videtur circumstantia in confessione ma-
nifestanda, sed contrarium asserunt Sa & Zede-
suca.

C A P. IX.

De impedimento publicæ honestatis.

Impedimentum hoc prouenit ex quadam quasi 1
affinitate cum consanguineis sponsi, canonico
iure introductum ob publicam honestatem mo-
rum, vnde hodie intra primum duntaxat gradum
(olim intra quartum) ac consanguineis sponsæ
quamvis carnaliter non cognitæ nuptiæ celebrari
validè non possunt ob publicam honestatem.

Si

- 2 Si sponsalia de futura ex quacunque causa irrita sint, V.C quia cum consanguinea, moniali, ac contracta, nullum ex ijs impedimentum publicæ honestatis oritur.
- 3 Impedimentum honestatis, ex sponsalibus validis ortum, permanet, etiamsi illa postea soluantur quomodo cunque. Quod si quis cum duabus consanguineis inter se, V.C. sororibus se successivè despousauerit, prior ducenda est, non obstante posteriore despousatione, quia posterior despousatio irrita fuit à sponsalibus: Ergo non est equum fieri actionem veluti quodam scilicet priora sponsalia vicissim irritari.
- 4 Ex sponsalibus conditionis, pendente conditioне non oritur impedimentum V.C. si Sempronius cum Titia sponsalia contraxit sub conditioне pendente in futurum, ac postea Caię ante euentum conditionis, quem expectare debuerat, absolute promisit, nec ex primis, nec ex secundis sponsalibus impedimentum honestatis contrahitur. Quod si verò ponamus Sempronium Caiz promittere matrimonium sub conditione expressa, vel tacita, si conditio priorum sponsaliorum non eueniat, tunc ea non eueniens purificantur posteriora sponsalia cum Caia, vt deinde validè quidem Sempronius possit ducere Titiam propter impedimentum honestatis.
- 5 Ex matrimonio rato & nondum confirmato etiam hodie oritur impedimentum publicæ honestatis usque ad quartum gradum, etiamsi illud irritum fuerit ex quacunque causa, duabus exceptis, primò si irritum fuit ob defectum consensus.

Secun-

Secundò si irritum fuit ob impedimentum publicæ honestatis.

Si quis ex duabus sororibus vnam absolutè sibi despontauit in futurum, cum altera carnaliter deinde copuletur, neutram in vxorem ducere potest; non primam ob impedimentum affinitatis, neque secundam ob impedimentum publicæ honestatis.

C A P. X.

De impedimento Criminis.

Machinatio mortis coniugi facta cùm proprio alterius determinati matrimonij contrahendi, est impedimentum dirimens, nec refert, vtrum maritus, an vxor sit, cui mors machinatur, nequè vtrum machinatio mortis physicè, an solum fiat moraliter per iussionem, consilium, necesse tamen est, ut mors executioni mandata sit, quia verba legis poenalis cum effectu intelligenda sunt, ob solam ratificationem mortis iuris incurrit impedimentum criminis, quia id nullo iure expressum, unde edictum de matrimonio non contrahendo cum prohibitorum sit, ad eum casum extendi non debet.

Si vterque, qui post mortem coniugis matrimonium contrahere desiderant, ad cædem illius cooperatur, aliud nō requiritur ad contrahendū impedimentum, nisi vt mors sequatur; Sin vero alteruter homicidii tantum reus sit, requiritur etiam, vt adulterium interueniat, & vt vterque con-

Nnnn iugi